

Bajet 2023: Kerajaan sokong transformasi pendidikan tinggi

Oleh MOHD. HUSNI MOHD. NOOR | 26 Februari 2023, 8:00 am



KEMENTERIAN Pendidikan Tinggi (KPT) yakin peruntukan yang diumumkan dalam Bajet 2023 kelmarin adalah tanda sokongan kerajaan terhadap transformasi pengajian tinggi negara.

PUTRAJAYA – Kementerian Pendidikan Tinggi (KPT) menerima peruntukan lebih tinggi iaitu peningkatan 5.7 peratus menerusi Belanjawan 2023 berbanding tahun sebelumnya.

KPT menerusi kenyataan akhbar berkata, kementerian itu menerima RM15.3 bilion iaitu RM11.7 bilion bagi Perbelanjaan Mengurus dan RM3.6 bilion bagi Perbelanjaan Pembangunan.

Menurutnya, Perbelanjaan Pembangunan KPT juga telah menunjukkan peningkatan sebanyak 22.9 peratus (RM671 juta).

“KPT menyambut baik dan menyokong Belanjawan 2023 yang dibentangkan sekali gus menunjukkan komitmen tinggi kerajaan menyokong transformasi pendidikan tinggi negara.

“Justeru, fokus KPT tahun ini adalah untuk menambah baik fasiliti Institusi Pendidikan Tinggi Awam (IPTA) bagi memastikan infrastruktur, bangunan dan peralatan di IPTA berada dalam keadaan yang kondusif, selamat serta berfungsi dengan efisien,” katanya semalam.



Katanya, sebanyak RM436 juta dikhususkan bagi membaik pulih infrastruktur dan menggantikan peralatan usang yang tidak lagi ekonomik di IPTA.

Dalam pada itu, katanya, KPT juga akan memberi tumpuan terhadap agenda pendigitalan untuk manfaat penyelidik, ahli akademik dan pelajar-pelajar di IPT menerusi dana RM35 juta.

“Usaha pendigitalan diharap dapat memperluas akses pembelajaran berkualiti yang inovatif, fleksibel dan bertaraf global kepada semua pemegang taruh tanpa mengira lokasi.

“KPT juga akan memperkasa agenda penyelidikan dalam menjadikan Malaysia sebagai pusat ilmu unggul melalui peruntukan RM428 juta yang diperuntukan kepada KPT dan Kementerian Sains, Teknologi dan Inovasi,” jelasnya.

The infographic features a central illustration of a yellow car with a worker in a hard hat and another person with a laptop, set against a background of a building and a crane. To the right, four purple boxes list industry partners. At the top, the Malaysian coat of arms and the 'Belanjaan 2023 MALAYSIA MADANI' logo are displayed. The bottom section includes social media handles for MOHEOfficial and the corporate communication unit of the Ministry of Education.

KEMENTERIAN PENDIDIKAN TINGGI

Belanjaan 2023 MALAYSIA MADANI

KERJASAMA DENGAN INDUSTRI BAGI PELAKSANAAN TVET

- Petronas**
(kluster minyak dan gas di Pengerang, Kimanis, Batu Rakit dan Miri)
- DRB Hicom**
(kluster automotif di Pekan)
- Khazanah**
(kluster perhotelan di Langkawi)
- Syarikat Sunway & Gamuda**
(kluster pembinaan)

Penyediaan program latihan yang memenuhi keperluan industri

MOHEOfficial @MOHEOfficial mohe.official @moheofficial
Unit Komunikasi Korporat | Kementerian Pendidikan Tinggi



The infographic features a purple header with navigation arrows. At the top center is the Malaysian coat of arms with the text 'KEMENTERIAN PENDIDIKAN TINGGI'. To the right is the 'BERSAMA SAMA MELAKSANAKAN TRANSFORMASI MALAYSIA MADANI' logo. The main title reads 'PERBADANAN TABUNG PENDIDIKAN TINGGI NASIONAL (PTPTN)'. Below this is an illustration of a smartphone displaying 'DISKAUN PTPN', a tablet with 'TABUNG Pendidikan', and a person at a 'BAYAR' (PAY) terminal. A dark purple box contains the text: 'Diskaun bayaran balik pinjaman PTPN selama 3 bulan bermula 1 Mac 2023 sehingga 20 peratus'. At the bottom, social media handles for MOHEOfficial are listed: Facebook, Twitter, Instagram, and YouTube. The footer text is 'Unit Komunikasi Korporat | Kementerian Pendidikan Tinggi'.

KEMENTERIAN PENDIDIKAN TINGGI

BERSAMA SAMA MELAKSANAKAN TRANSFORMASI MALAYSIA MADANI

PERBADANAN TABUNG PENDIDIKAN TINGGI NASIONAL (PTPTN)

DISKAUN PTPN

TABUNG Pendidikan

BAYAR

Diskaun bayaran balik pinjaman PTPN selama 3 bulan bermula 1 Mac 2023 sehingga 20 peratus

MOHEOfficial @MOHEOfficial mohe.official @moheofficial

Unit Komunikasi Korporat | Kementerian Pendidikan Tinggi

Antara inisiatif lain diumumkan semalam termasuk diskaun bayaran balik pinjaman Perbadanan Tabung Pendidikan Tinggi Nasional (PTPTN) selama tiga bulan bermula 1 Mac 2023 sehingga 20 peratus.

Selain itu, permohonan penangguhan bayaran balik kepada peminjam berpendapatan bulanan RM1,800 ke bawah untuk tempoh enam bulan boleh dibuat mulai 1 Mac 2023.

Turut diperkenalkan termasuk kerjasama dengan syarikat berkaitan kerajaan (GLC) peneraju untuk mengambil alih sebahagian atau sepenuhnya operasi institusi TVET seperti kolej komuniti bagi menyediakan program latihan. -KOSMO! ONLINE